

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

تذکره محاکمه علییه

آبونه اولقی استینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

نشان

محکمه تمیز اعضا سندن عطف و فلو عارف بک افندی
حضرتلرینه خدمات حسنیه سنه مبنی برنجی رتبه دن
نشان عالی عثمانی احسان بیورلشدر .

تبلیغات

اسپراکینک یانیه لی متوفی نجیب بک ورثه سندن ادعا
ایلدیکی التمش ایرانک ورثه مرقومه دن زوجیه سی عایشه
خانم دن حسب الکفاله والوصایه تحصیاتی متضمن یانیه
ولایتی مرکز تجارت محکمه سندن استحصال ایلدیکی
اعلامده مندرج کفالت سوزیک اصلا وجودی اولمبوب
ضبطنامه نک حین ترجمه سنده سهواً دیگر برکله نک
یرینه استعمال اولدینی بالحواله محکمه مذکورده
ریاستدن افاده قلمش اولدینی کبی من بوره نک ثبوت
وصایتیه ومدعی عمومینک اثنای محاکمه ده حضوریه
مدعی یه یمین استظهار ویرلدیکنه دائر اعلام مذکورده
برقید و اشارت موجود بولنماش اولدیغندن من بوره
عایشه خانمک شخصاً محکومه اعتباریه حصه ارثیه سندن
استیفای دینه تثبت ایدلسه سالف البیان سهوه نظراً
من بوره بالذات جهت کفالتدن نفس الامرده مدیونه
اولمقدن بشقه حصه ارثیه سی ده دینه وفا ایتیه چکی
بدیهی و بر موجب اعلام نفسندن کفاله و صغار
اولادندن وصایه من بوره نک محکومه عدلیه مجموع
ورثه نک املاکندن استیفای دینه قیام اولنسه اعلام
مذکورده ترکیه اضافتله محکوم بهک تحصیله دائر
بر صراحت اولماسنه وسالف الذکر نقایضله برابر
اعلام مذکورک وصایه محکومیه دائر اولان فقره سنک
ترکیه اضافت معناسنده تلقیسیله موقع اجرایه وضعی
من بوره ایل ایتمک مغدوریتلری مستلزم اوله جغنه
نظراً بوجهته دخی کیدیلهمیه چکی تعریفندن مستغنی
بولندیغندن بحثله اعلام مذکورک اجرایی جائز اولوب
اولدیغنک و جائز اولدینی تقدیرده نه صورتله اجرا
ایلمک لازم کله چکنک تعینی حقند یانیه ولایتی استیناف

محکمه سی مدعی عمومیا سندن وقوع بولان اشعار اوزرینه
ایجاب کیفیت انجمن عدلیه جه لی التذکر دعوی واقع
صغاره متعلق اولدینی حلاله اثنای محاکمه ده مدعی
عمومینک حضوریه مطالعه سنه مراجعت اولنماش
ومدعی یه بعدالثبوت یمین استظهار ویرلماش و وکیل
مسخر تعین اولنقسزین حکم غیبی اعطا قلمش
اولسندن طولانی اعلام مذکور بالوجوه مخالف
قانون کورنش ایسه ده نقایض مذکورده نک طرق
قانونیه یه توفیقاً اصلاح واکالنه تثبت اولنیه رق
اعلام مذکورک کسب قطعت ایلدیکی جهتله نقایض
مبحوث عنها سبیلله اجر اسر براغیله میه جغندن حکم
قانونک محافظه سی ضمیمه لازم الاجر حائی آلان
اعلام مذکورک تنفیذی و صورت اجرایی بحثیه
کنجه من بوره عایشه خانم بروقی اعلام نفسندن
کفالت موروثه اعتباریه اصالة و صغار جانبدن دخی
وصایه محکوم اولغله حکم اعلام مجموع ورثیه شامل
بولنش اولدیغندن مجموع دینک بالجمله ورثه نک حصه لرینه
کوره تحصیلی لازم کله چکی افاده اولنش و اولوجهله
ایضای مقتضایی مذکور مدعی عمومیکه جواباً تبلیغ
اولنمشدر .

محاکمه مقدمات

در سعادت استیناف مدعی عمومیکلند:

ارباب مفسدندن بولندیغنی ادعاسیله مظنون
علیه اولوب ایوم حال فرارده بولنان مکتب
طبیئه ملکیه نک اوچنجی سنه طلبه سندن
ودر سعادتده قومقپو نشانجه محله سی اهلایسندن
قیصه بویلی اچیق النلی ایریجه برونلی مائی
کوزلی متناسب اغز و چکه لی سیاه قاش و صا
چلی صاریجه بکزیلی یکرمی آلتی یاشنده بغوص
قاپریلیانک اصول محاکمات جزائیه قانونک
مواد مخصوصه سی احکامنه توفیقاً جنایت محکمه

سنده محاکمه سی اجرا قلمق اوزره قانون جزانک
الی التجی ماده سی موجبجه جنایتله اتهامنه
قرار ویرلدیکندن متهم مرقومک هر نرده ده
کوریلورسه طوتیلوب محکمه مذکورده
توقیفخانه سنه تسلیمی لازم کله چکی بالجمله ضابطه
عدلیه مأمورلرینک معلومی اولقی اوزره اشبو
اخذ و گرفت مذکورده سی در سعادت هیئت
اتهامیه سندن بالتنظیم اعطا قلندی .

جسر ارکنه قضا سنک قواقلی قریه سندن اشتریو
اوغلی اقسا نطولی یی قتل ایلدیکی ادعاسندن طولانی
جنایتله اتهام اولنان مقتول مرقومک اوغلی استطا کینک
اون بش سنه مدته کورک قونلسنه دائر ادرنه ولایتی
استیناف محکمه سی جزا دائره سندن ویریلان ۳۰
نومرولی اعلام محکمه تمیز جزا دائره سنجه تصدیق
اولنمشدر .

زوجیه سی مقروهی قادی قتل ایلدیکی ادعا
اولنسنندن دولایی جنایتله اتهام اولنان قره مرسل
قصبه سنده ساکن وانی خاچیک ولد بغوصک اون بش
سنه مدته کورک قونلسنه دائر اذمید سنجانی بدایت
محکمه سی جزا دائره سندن ویریلان ۶۳ نومرولی اعلام
محکمه تمیز جزا دائره سنجه تصدیق اولنمشدر .

۱۳۴ نومرولی نسخه ده مندرج در سعادت
جنایت محکمه سی اعلامنک بقیه سی :

شاهد سالم و فتاح اغار مصارف سفریه طلبنده
بولندقلرندن معاون مومی الیهک مطالعه سی آلتقدن
صکره ایلورده حقسنز چیقان طرفدن تحصیل اولنقی
اوزره اوتوزر غروشدن جمعاً التمش غروشک عدلیه
وزنه سندن مرقومانه اعطاسنه قرار ویرلش و طرفینک
توسیع تحقیقاته متعلق بر دیه جکری اولمدینی عندالسؤال
اکلاشلش اولغله تحقیقاتک بوندن عبارت اولدینی

بیان اولندقدہ معاون مومی الیہ مہملردن اسماعیلک
اخیر آتوقیفخانہ فوت اولان کلاش مصطفی الیہ برلکده
اولہرق کور قیوسندہ یاتقدہ اولان رجبی بالہور
جرح و قتل ایلدکری شہودک شہادتانی ضبط ورقہ سی
ومعاینہ راپورلری مندرجاتی الیہ ثابت اولدیغندن
مرفومک اولوجہلہ قاتل غیر متعمد اولق اوزرہ
مجرمیتہ ومہم طہارک قتل مذکورہ مرفومانہ
معاونتہ بولدیغی اکلشیلمدیغندن آنکده برائتہ
قرار اعطاسنی طلب وادعا ومدافعہ وکیل دخی
موکلاردن طہارک کیفیت قتله معاوتی صرف شاهد
عاشرک قول مجرندہ قالدیغی وحالیو کہ مرفومک
صغرسنی حبسیلہ معاوت مذکورہ بولنسک معقول
اولہمہ جنی کبی شاهد من بورک اخبارنی تقویہ
ایده جک اسباب دخی مفقود ایدوکندن واسماعیلک
قاتل اولدیغی حقتندہ کی دلائلہ حکم ایچون کافی
کوریلمامکده بولنش اولدیغندن وموکلای الیہ مقتول
رجب بیندہ خصومت ومنازعہ سبق ایتمیش
اولدیغندن وکلاش مصطفانک اخبار اولنان منازعہ سی
مرفوم اسماعیلک قتله جرآنہ بادی کوریلمیہ جکندن
ہر ایکسک برائتہ ویاخود بالکنز اسماعیلک من غیر
تعمد قاتل اولدیغہ قرار اعطاسنی طلب واستدعا
ومہملر دخی بر دیہ جکری اولدیغنی انبا ایتلریلہ
ختم محاکمہ لری افہام اولہرق مذاکرہ اوپہ سنہ
کیدلی .

بروجہ مشروح طرفینک ادعا ومدافعہ لری
واوراق تحقیقہ وضبط ورقہ سی واوراق سائرہ
دعوی برر بر نظر مطالعہ آلہرق اساس دعوی
خلاصہ وندقیق وکیفیت تعمیق ایدیلہرک ایجابی مذاکرہ
اولندقدہ مہملردن اسماعیل محکمہ دہ انکار تہمت
ووکیل مومی الیہ دخی طلب برائت ایتمکده ایسہلرہ
خلیل اوغلی رجبک آلت نارہ مرمیسیلہ جرمہ دار
اولہرق اشبو جرحہلردن متأراً وفات ایلدیکی طیب
راپوریلہ متحقق اولوب فاعلری حقتندہ کی اسباب
ثبوتیہ کالجہ کیفیت جرح و قتلدن مقدم کلاش
مصطفی الیہ مقتول رجب بیندہ بمنازعہ سبق ایتمی
ورجبک مصطفایہ (بن آدمک قرہ دینی یلم نہ یلارم)
دیمی اوزرینہ حاضر بولسانلر طرفدن منازعہ نک
برطرف ایدلسک ایرتسی کونی مرفوم رجبک کور
قیوسندہ جرح ایلدیکی وجارحک دخی برادری
اسماعیل الیہ کندوسی اولدیغی کلاش مصطفانک
ایشدیکی شاهد عارف اغانک ومنازعہ نک برطرف
ایدیلدیکندن ایکی ساعت صکرہ مہم کلاش مصطفی
واسماعیلک قہوہ خانہ دن چیقوب کیتدکری وایرتسی
کونی صباحین دکرمانچی یورکینک بالورود رجبک
مجروحاً یاتقدہ اولدیغنی خبر ورمسیلہ بر قاج کشی

وحرکتی قانون جزانک یوز تیش دردنجی مادہ سنہ
موافق ومادہ مذکورہ دہ « برکیمہ من غیر تعمد بر
شخصی اتلاف ایتش ایسہ اون بش سنہ مدتلہ کورکدوضع
اولنور » دیو محرر اولغلہ بومادہ احکامنہ توفیقاً
وابتدای توفیقی اولان اوچیز اون طقوز سنہ سی
ذی القعدہ سنک یکرمی برنجی کوندن اعتباراً اون
بش سنہ مدتلہ کورکد قولنسہ ومجموع مصارف محاکمہ
اولان یوز قرق غروش الیہ مصارف سقرہ اولہرق
شہود مستمعہ وزندہ اعطا قلنان ایکی یوز اون
غروشک مرفومدن بالتحصیل تسلیم وزندہ ایتدیرلسنہ
اوچیز اون سکنر سنہ سی تہوزینک اون التیجی کونی
وجاہاً ومتفقاً قرار ویریلہرک اصول تفہیم ایفا قلندی .

ککبوزدہ چاقرمصطفانک کیفیت قتلدن طولانی
مہم اولوب متدما بالحا کہ اون بش سنہ مدتلہ کورکد قولنسہ
قرار ویریلان شعبان حقتندہ کی اعلام محکمہ بین جزا دارہ
سندن نقض ایدیلہرک عادہ قانمقدن ناشی بوکرہ تکرار اجرا
قلنان محاکمہ علینہ تیجہ سنہ مرفومک قتل قصدی
ولمقسر بن صوبا الیہ مصطفائی ضرب ایتدیکی وبو
ضربدن متأراً مصطفانک وفات ایتدیکی شاهدلرک
اخباراتی ومعاینہ راپورلی مندرجاتی ودلائل سائرہ نک
اضمایہ ثابت اولدیغندن اولوجہلہ مجرمیتہ وقانون
جزانک یوز تیش بدنجی مادہ سی ذیلنہ توفیقاً یدی
سنہ مدتلہ کورکد قولنسہ ۱۱ کانون ثانی سنہ ۳۱۸
تاریخندہ محکمہ جانیجہ قرار ویرلشدر .

یکدیگری ضرب ایلدکری ثابت اولان قاضی
قرہ سنہ ساکن صوحی عبداہ الیہ قہوہ جی احمدک
بر هفته حبسلرینہ
بلغوریلدہ ساکن اسماعیلک پولیس یوسف
افندی نی اجرای مأوریت حالندہ ضرب ایلدیکی
ثابت اولدیغندن آتی آی حبسنہ
رنجبر محمدک علی نی ضرب ایلدیکی ثابت اولدیغندن
بر هفته حبسنہ
چکر دیکی یاشوہی ضرب و جرح ایدن
اورتہ کوبدہ یکی محلہ دہ ساکن بالقجی کرباقونک
بر هفته حبسنہ
پولیس امین افندی نی ضرب ایدن قاسم پاشالی
راشدک بر هفته حبسنہ
بکر بکنده ساکن بقال چراغی وانککک نشأت
افندی نی ضرب ایلدیکی ثابت اولدیغندن بر هفته حبسنہ
بک اوغلی واسکدار بدایت محکمہ لری جزا دائرہ لنجہ
قرار ویرلشدر .

اعلانہات

درسعادت استیاف مدعی عمر بیلکندہ :

محمدک آخوری قیوسنک کلیدی آلت مخصوصہ
الیہ قیرہرق فعل سرقہ تصدی ایلدیکی خالدہ اسباب
مانعہ حبیلوتیلہ برشی آلہ ماش اولدیغی ادعاسیلہ
مظنون علیہ اولوب غیر موقوف بولنان وطاوق بازارندہ
ابراہیم اغا خانسندہ اقامت ایدن اورتہ بویلی، دوز
الئی، اورتہ برون واغزلی، قرہ صقالی، قرہ قاش
وکوز وصاجلی، اسمر چیچک بوزوغی بوزلی اضرر و ملی
اوتوز بدی یاشندہ حاجی اسحق بن ابراہیمک اصول
محاکات جزائیہ قانوننک مواد مخصوصہ سی احکامنہ
توفیقاً جنایت محکمہ سنہ محاکمہ سی اجرا قانمق اوزرہ
قانون جزانک ایکیز اوتوزنجی مادہ سی علاوہ سی
منطوقجہ ایکیز یکرمی مادہ سی موجبہ جنایتلہ
اتہامنہ قرار ویرلدیکندن مہم مرفومک ہر زردہ
کوریلورسہ طوتیلوب محکمہ مذکورہ توفیقخانہ سنہ
تسلیمی لازم کلہ جکی بالجلہ ضابطہ عدلیہ مأمورلرینک
معلومی اولق اوزرہ اشبو اخذ وکرفت مذکرہ سی
درسعادت ہیئت اتہامیہ سندن بالتنظیم اعطا قلندی .

غلطہ دہ محمودیہ جادہ سنہ مستاجر بولندقلری
کاغدجی ونفکجی مغازلری درونندہ بولنان اساجہ
ناریہ واشای سائرہ نی بدلدن فضلہ مبلغ مقابلندہ
روویال نام سیغورطہ قومانیہ سنہ سیغورطہ ایتدیر
دکن صکرہ مذکور مغازنی قصداً احراق ایلدکری
ادعا قلنسندن دولانی مظنون اولوب غیر موقوف
بولنان بانجی قیوسندہ نظامیہ قرہ غوطخانہ سی قارشو
سندہ کی دکاندہ سلاجیق ایدوب قاضی کویسندہ
مہر داردہ متصرفاً ساکن اورتہ بویلی طقنازجہ
وجودلی قراننہ صاج وبقی کستانہ رنگ کوزلی
اورتہ آغز وبروئی اسمر ومطروش التیش یاشندہ
پاندہ لاک وادیورکی وطاطاولدہ عربہ میدانندہ فرق
بر نومرولی خانہ دہ مستاجراً ساکن اورتہ بویلی
شیشمان وجودلی چاقر کوزلی اورتہ آغز وبروئی
قیرصاج وبقی اسمر ومطروش التیش یاشندہ استاوری
ولد قسطنطین واستانبولہ لغدہ مصلا جادہ سنہ
مستاجراً ساکن اورتہ بویلی مدور النبی چاقر کوزلی
قرہ صاج وقاش وبقی اورتہ آغز سیوری بروئی
اسمر ومطروش اوتوزایکی یاشندہ مینا ولد قسطنطین دیس

الیہ برادری فری کوبندہ روسی زقاغندہ یکرمی بر
نومرولی خانہ دہ مستاجراً ساکن اورتہ بویلی مدور
النبی قراننہ صاج وبقی قرہ کوزلی اورتہ آغز
وبروئی اسمر ومطروش اوتوز درت یاشندہ کاغدجی
یورکی ولد قسطنطین دیسک اصول محاکات جزائیہ

قانوننک مواد مخصوصہ سی احکامنہ توفیقاً جنایت
محکمہ سنہ محاکمہ لری اجرا قانمق اوزرہ قانون
جزانک یوز التیش اوچنجی مادہ سی موجبہ جنایتلہ
اتہاملرینہ قرار ویرلدیکندن مہمون مرفومک
ہر زردہ کوریلورسہ طوتیلوب محکمہ مذکورہ
توفیقخانہ سنہ تسلیم لری لازم کلہ جکی بالجلہ ضابطہ
عدلیہ مأمورلرینک معلومی اولق اوزرہ اشبو اخذ
وکرفت مذکرہ سی درسعادت ہیئت اتہامیہ سندن
بالتنظیم اعطا قلندی .

آرام افندیگن خانہ سی قیوسنی لیلار سرقہ قصدیہ
آچقدہ ایکن در دستہ کیدن حاجی اسماعیلی جرح ایتدیکی
ادعاسیلہ مظنون علیہ اولوب غیر موقوف بولنان وقالیونجی
قولغندہ کلیسا جوارندہ قبودان پاشا زقاغندہ ایکی
نومرولی آبارخانہ دہ اقامت ایدن کلکی یکرمی یاشندہ
الاکوزلی دوز آلن قرال بیق وقاش وصاجلی ومدور
مطروش چکہ و سیوری بروئی قلمکار علقو ولد
قسطنینک اصول محاکات جزائیہ قانوننک مواد
مخصوصہ سی احکامنہ توفیقاً جنایت محکمہ سنہ
محاکمہ سی اجرا قانمق اوزرہ قانون جزانک یوز
سکسانجی مادہ سی موجبہ جنایتلہ اتہامنہ قرار
ویرلدیکندن مہم مرفومک ہر زردہ کوریلورسہ
طوتیلوب محکمہ مذکورہ توفیقخانہ سنہ تسلیمی لازم
کلہ جکی بالجلہ ضابطہ عدلیہ مأمورلرینک معلومی
اولق اوزرہ اشبو اخذ وکرفت مذکرہ سی درسعادت
ہیئت اتہامیہ سندن بالتنظیم اعطا قلندی .

استانبولہ بالق بازارندہ ارسلان خانندہ بانی موچاق
وقومیانیہ سنک ۱۳ کانون ثانی سنہ ۳۱۸ تاریخندن اعتباراً
اعلان افلاسنہ ومصلح افلاسنہ ک رؤیت وتسویہ سی
ضمنندہ اعضای محکمہ دن سعادتو جلال الدین بکک
ژور قومیسر ودعوی وکیلاردن ماہر ویرام اوغلی
علکساندر افندیلرک موقت سندیک تمینلرینہ ومغازہ
سیلہ اشای بیتہ سنک تمہیرینہ واوراق ودفاترینک جلنہ
وکفالت ازانہ ایدہ مدکری خالدہ حبس وتوفیقاریہ
وبوبادہ کی قرارک موقہ اجراسنہ محکمہ تجارت
بحرہ جہ قرار ویرلش اولدیغندن قانوننامہ تجارتک
۱۷۰ نجی مادہ سی موجبہ دائمی سندیکلر انتخاب
اولق اوزرہ (۲۷ کانون ثانی سنہ ۳۱۸) بازار ایرتسی
کونی ساعت یدی رادہ لرنده انتخاب مطلوبک محکمہ
مذکورہ نک افلاس اوپہ سنہ کلری اعلان اولنور .

سرکہ جیدہ اسماعیل پاشا خانندہ ساکن ایکن
تجارت بحرہ محکمہ سندن افلاسنہ حکم اوتیش اولان
کرقور م . م . آلیناقیانک خصوصات افلاسیہ سنک
رؤیت وتسویہ سی ضمنندہ دعوی وکیلاردن قدری
بک ویران ارغانیان افندی ودانلردن موسوفوکل
اصالہ سندیک تعیین قلمنش اولدقلرندن مفلس مرفوم
ذمتندہ آلہجی اولنلرک قانوننامہ تجارتک ۱۹۹ و
۲۰۰ نجی مادہ لری موجبہ تحقیق دیون ایچون تاریخ
اعلانن اعتباراً یکرمی بر کون ظرفندہ سنداتی
محکمہ کاتبہ تسلیم ایللری ومدت مذکورہ ختامندن
صکرہ اوچ کوندہ یعنی ۳۱۸ سنہ سی شباطنک بشنجی
چهارشنبہ والتنجی پنجشنبہ وسکرنجی جمعہ ایرتسی
کونلرندہ تجارت بحرہ محکمہ سنک افلاس اوپہ سنہ کلرک
سندیک افندیلر مواجہہ سنہ آلہجقاری اثبات وقید
وتصدیق ایتدیرملری ومدت مذکورہ دہ اثبات وجود
ایدہ میان آلہجقولر حقتندہ قانون مذکورک ۲۱۰ نجی
مادہ سنہ توفیقاً معاملہ اولنہ جی اعلان اولنور .

استانبولہ بالق بازارندہ بلانومرو قہوہ خانہ دہ
ساکن ایکن تجارت بحرہ محکمہ سندن افلاسنہ حکم
اولنش اولان صراف خرستو فوروس یاہالیدینک
خصوصات افلاسیہ سنک رؤیت وتسویہ سی ضمنندہ
دعوی وکیلاردن والیاس سیموناکی، پوزانت
ترزیان وبقو قیا افندیلر اصالہ سندیک تعیین قلمنش

ایکینجی تجارت محکمه سنده :

آصمه آلتنده اون ایکی نومرولی دکانده مقیم صابون تاجری اوطه باشی اوغلنک ۱۴ کانون ثانی سنه ۳۱۸ تاریخندن اعتباراً اعلان افلاسسه و مصالح افلاسیه نك رؤیت و تسویه سی ضمننده اعضای محکمه دن سعادتلو رضا بکک ژور قومیسر و دعوی وکیللرندن دیموستن یوردانیدی و افتاویوس اورویوس افندیلرک موقت سندیک تعینلرینه و مغازه سیله اشیای زائده بیتیه سنک تمهیرینه و اوراق و دفاترینک جانبیه و بوباده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۲۹ کانون ثانی سنه ۳۱۸ چهارشنبه کونی ساعت یدی راده لرنده اصحاب مطلوبک محکمه مذکوره نك افلاس اوطه سنه کلری اعلان اولنور .

چارشوی کیرده بودروم خانی جوارنده کی مغازه ده مقیم تجار دن اسماعیل حق افندی نك ۸ کانون ثانی سنه ۳۱۸ تاریخندن اعتباراً اعلان افلاسسه و مصالح افلاسیه نك رؤیت و تسویه سی ضمننده اعضای محکمه دن سعادتلو جمیل بکک ژور قومیسر و دعوی وکیللرندن محمد بیرام افندی نك موقت سندیک تعینلرینه و مغازه و اشیای زائده بیتیه سنک تمهیرینه و اوراق و دفاترینک جانبیه و بوباده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره [۲۸ کانون ثانی سنه ۳۱۸] صالی کونی ساعت یدی راده لرنده اصحاب مطلوبک محکمه مذکوره نك افلاس اوطه سنه کلری اعلان اولنور .

منتشا منجانی بیایت محکمه سی تجارت قسمنده :

مغله لی تجار دن شریف افندی نك کویچکزده کراسته تجارتیله مشغول اولوب موقه ردوسده مقیم کویچکز قضاسی اورمان سواری مأمور سابق سعید افندی علیه قضاء مذکور بیایت محکمه سی تجارت قسمنده اقامه ایلدیکی کراسته اعمال و بیع و شراسی دعواسنک بدایه جریان ایدن محاکمه سی نتیجه سنده لاحق اولان اعلام حکمنه عدم قناعتله مومی الیه شریف افندی منتشا منجانی بیایت محکمه سی تجارت قسمنده استیناف دعوی ایتیمی اوزرینه اولباده تنظیم اولنان دعوتیه و ورقه سی مستأنف علیه مومی الیه سعید افندی به تبلیغ اولنق اوزره جزایر بحر سفید و لای مریکز بدایت محکمه سی ریاست اولاسنه کوندرلمش ایسه ده مستأنف علیه مومی الیه ک ردوسده بولمندی شریحیه

اعاده اولنمش و مستأنف وکیلی مستأنف علیه اقامتکاهی مجهول اولدیغندن بحثله ایجاب قانونیسنک اجراسنی طلب ایلش و دعوی مذکوره نك رؤیتی اوچیوز اون سکز سنه سی شباطنک یکرمینجی پنجشنبه کونسه قرارلشدیریلر ق تنظیم قلسان دعوتیه و ورقه سیله اوراق استینافیه نك صورت مصدقه لری اصول محاکمه حقوقیه قانوننک یکرمی التجی ماده سی موجبجه محکمه نك دیوانخانه سنه تعلیق ایدلمش اولغله مستأنف علیه سعید افندی نك یوم مذکوره ساعت الی راده لرنده محکمه مذکوره به بالذات کلشی و یاخود طرفندن باسند مصدق بروکیل کوندرمسی ایجاب ایدوب بالذات کلدیکی و یاخود وکیل کوندرمیدیکی تقدیرده حقنده معامله قانونیه اجرا اولنه جغنی معلوم اولنق اوزره غزته لر ایله اعلان کیفیته ابتدار اولندی .

اعلامات شرعیه اجرا داره سنده :

متوفی محمود فرید افندی ورثه سنک جمیله خانم ذمتنده قسمت عسکریه محکمه سندن اعطا اولنان برقطعه مقتضا اعلامی موجبجه الاجقاری اولان مبالغ معلومه نك تأمین استیفاسی ضمننده خانم مومی الیهانک عهده سنده اولوب دینی مقابلنده وفاء مفروغ و فروختی محکوم بولنان چارشوی کیرده صندال بدستانی زقاغنده واقع اون برنومرو ایله مرقم براب چوقه جی دکانی دروننده موجود بین الاصناف چوقه جی کدکی تعبیر اولنور وقف چوقه جی کدکنک اشبو تاریخ اعلاندن اعتباراً اون بش کون صکره بالمزایده فروخته تشبث اولنه جقندن طالب اولنلرک پی سورمک و بوندن زیاده معلومات المی اوزره مدت مذکوره ختامندن صکره درسعادت اعلامات شرعیه اجرا دائره سنه مراجعت ایللری اعلان اولنور .

بک اوغلی بیایت محکمه سی اجرا داره سنده :

زان کساریدی افندی نك ترزی آغوب و همشیره سی لوسیه قادین ذمتلرنده بااعلام محکوم به آله جنی اولان مبالغ معلومه نك تأمین استیفاسی ایچون مدیونان مرقومانک بروجیه مناصقه متصرف اولدقلری و داین مومی الیه عهده سنده وفاء مفروغ و فروختی حکم اعلامنه مستند بولنان بک اوغلنده یا نقالتیده حاجی مغاق زقاغنده واقع توسیع انتقالو و بربرینه متصل اولوب بری اون الی نومرو ایله مرقم : اوچ قاتی و صغیر و کبیر الی اوطه و برمطبخ و حولی نی والتنده بودرومی حاوی و عرضاً اون ایکی و طولاً یکرمی ارشون مربع اوزرینه مبنی و دیکری اون سکز نومرو ایله مرقم : اوچ قاتی و صغیر و کبیر بش اوطه برمطبخی والتنده بر دکانی و بر بودرومی و مذکور اون الی

نومرولی خانه ایله مشترک بربر مانی حاوی و عرضاً طقوز و طولاً اون ایکی ارشون مربع اوزرینه مبنی و هرایکسنک مشتملاتندن اولنق اوزره آرقه طر فلرنده تمتد و یان زقاق طرفنده آروجه برقیو ایله کیریلور یوزی عرضاً اون و آرقه سی بش و طولاً یکرمی ارشون اعتباریه باغچه محلی حاوی و بر طرفی کریم پاشا خانه سی و آرقه سی هانیان بغوص افندی نك خانه و باغچه سی و طرفینی جدید و حاجی مغاق زقاق لریله محدود سالف الذکر ایکی باب خانه یتیش ایکی بیک سکزیوز غروش التون انچه بدل ایله طالبی عهده سنده تقرر ایدرک موقت قراردادده سی چکلمش اولدیغندن بکونندن اعتباراً اوتوز بر کون طرفنده یوزده بش ضمیمه طالب اولانلرک ودها زیاده معلومات المی استیانلرک یوزده اون نسبتنده کی دیوزیتو انچه لری برلکده آلهرق بک اوغلی بدایت محکمه سی اجرا دائره سنه مراجعت ایللری و مدت مذکوره ختامنده یعنی شهر شباطک اون بشنجی جمعه ایرتسی کونی ساعت اونه قدر قرار داده قطعیسی کشیده قلمق اوزره سالف الذکر خانه لر پیشکاهنده مأموری حضورنده حاضر بولملری اعلان اولنور .

فی ۱۴ کانون ثانی سنه ۱۳۱۸

اسکدار بیایت محکمه سی اجرا داره سنده :

آغونی و سائر نك قره قلمچی آرتین اغا ذمتنده بااعلام آله جنی بولنان مبالغ تأمین استیفاسی ضمننده مدیونک اسکدارده سلامی علی افندی محله سنده ساحدار اغا باغچه سنده واقع بر طرفی حاجیک و بعضاً طوپال اوسکیانک خانه و باغچه لری و ارقه طرفی سرکچی یورکینک بوستانی و دیکر طرفی مرجان یا قونک خانه و باغچه لری و طرف رابی بساحدار اغا باغچه سیله محدود دروننده ایکی قیو و بر حوض و بر باغچوان اوطه سی و تخمیناً اون بیک ارشونی حاوی و اشجار مشمره بولندی حالد دروننده اوچ اوطه اشاغی قانده و اوچ اوطه اوست قانده و بر ابدستخانه دن عبارت الی نومرولی بوستان بش حصه اعتباریه برکدک حصه سیله ملکنده اولان اوچ ربع حصه سی عند المزایده لیرا یوز غروش حسابیه اوچ بیک بشیوز غرو شده طالبی عهده سنده تقرر ایلش اولدیغندن تاریخ اعلاندن اعتباراً برماه ختامنده قرار قطعیسی ویریه چکی جهته یوزده بش ضمیمه زیاده طالب اولنلرک مدت مذکوره طرفنده اسکدار اجرا دائره سنه مراجعت ایللری اعلان اولنور .